

大唐開元禮



大

志

剛

正

道



大唐開元禮卷第一百十九

嘉禮

四品五品嫡子冠

將冠筮於廟門之外主人

謂將冠者之父兄

公服立於門東

西向掌事者各服其服立於門西東面北上布筮席於闈西闈外西南筮者開鞮出策兼執之東面受命於主人主人曰爲嫡子某某日加冠庶幾從之筮者曰諾進就筮席西面以鞮擊策遂述曰假爾泰筮有常某爲嫡子某某日加冠庶幾從之乃釋鞮坐筮訖興降席東面稱占曰從筮者退若不吉則筮遠日如

初儀贊禮者進主人之左告禮畢掌事者徹筮席

前三日筮賓如求日之儀

筮賓筮其可使冠子者

前二日主人

戒賓及贊冠者主人至賓大門外掌次者引之次主

人公服出次立於門外之西東向賓公服立於阼階

下西面賓者公服進於賓之左北面受命出立於門

東西面曰敢請事主人曰某之子某將加冠請某子

教之

相稱各隨官爵

賓者入告賓出立於門東西面再拜主

人答拜主人曰某之子某將加冠願吾子教之賓曰

某不敏恐不能供事以辱吾子敢辭主人曰某猶願

吾子教之賓曰吾子重有命某敢不從主人再拜賓

答拜主人還賓拜送主人戒贊冠者亦如之亦通使子弟戒

之前一日掌事者設次於大門外之右南向其日夙

興贊者設洗於正寢阼階東南東西當東霑南北以

堂深疊水在洗東加勺冪篚在洗西南肆實巾一於

篚加冪席於東房內西牖下無房者張帷為之陳服於席東

領北上冕服青衣纁裳四品絺冕服三章一章在衣粉米二章在裳黼黻五品玄

冕衣無章裳刺黼一章白紗中單青領標襪裙革帶鈎釐大帶

素帶紕其垂外以玄內黻絺冕山一章劍飾以雙佩

以黃紐約皆用青組黻玄冕無章劍飾以雙佩

水蒼雙綬四品青綬三品青白紅純青質長一丈四尺一百四十首廣七寸五品墨綬二綵青

紺純紺質長一丈二尺一尺一百首廣六寸皆有朱鞮赤

烏進賢冠服絳紗單衣白紗中單阜領標襪裙白裙

襦赤裙革帶鉤觶假帶曲領方心絳紗蔽膝白鞮黑

烏劍佩雙綬緇布冠服青衣素裳素鞮中單革帶劍佩綬與冕服

同鞮烏與進賢冠同緇纒櫛簪同箱在服南纒今用阜巾方六寸屬帶於前兩隅

蒲筵四緇布純加萑席四玄帛純又在南側尊甒醴

在北加勺冪設筐在側尊北實角觶角柶各一加冪

饌陳於筐北柶以角為之狀如匕饌用少牢及腊三俎邊六豆六牲體節折加離肺邊實鹽

脯棗栗之屬豆實菹醢之類設洗於東房近北壘水在洗西筐在

洗東北肆實以巾質明賓贊至主人大門外掌次

者引之次賓贊公服諸行事者各服其服執尊壘筐

者皆就位冕

緇冕垂青珠四旒以組為纓色如其綬青纒充耳角導玄冕三旒餘同緇冕之

服進賢冠兩梁纓青綉導緇布冠青組纓冠冕各一

箱各一人執之侍於西階之西東面北上設主人之

席於阼階上西面賓席於西階上東面冠者席於主

人東北西面主人公服立於阼階下當東序西面諸

親公服非公服者常服立於罍洗東南西面北上尊

停別儻者公服立於門內道東北面將冠者雙童髻

雙玉導金飾綵袴褶錦紳烏皮履立於房內南面主

人之贊冠者公服立於房內戶東西面賓及贊冠者

出次立於門西贊冠者少退俱東面北上儻者進於

主人之左北面受命出立於門東西面曰敢請事賓

曰某子有嘉禮命某執事儻者入告主人迎賓於大

門外之東西面再拜賓答拜凡賓主拜揖入出皆贊禮者相導主人

揖贊冠者贊冠者報揖主人又揖賓賓報揖主人入

賓及贊冠者次入及內門主人揖賓賓報揖主人與

賓入贊冠者從之至內雷將曲揖賓報揖至階主人

立於階東西面賓立於階西東面主人曰請吾子升

賓曰某備將事敢辭主人曰固請吾子升賓曰某敢

固辭主人曰終請吾子升賓曰某敢終辭主人升自

阼階立於席東西向賓升自西階立於席西東向贊



冠者及庭盥洗升自西階入於東房立於主人贊冠者之南俱西面主人贊冠者引將冠者出立於房戶外之西南向賓之贊冠者取纒櫛簪箱跪奠於冠者筵南端興席北少東西面立賓揖將冠者賓主俱卽席坐將冠者進升席西面坐賓之贊冠者進筵前東面跪脫雙童髻置於箱櫛畢設纒興復位立賓降盥主人從降賓東面辭曰請吾子不降主人曰吾子降辱敢不從降賓至盥洗盥手訖詣西階賓主一揖一讓升主人立於席後西面賓立於西階上東面執緇布冠者升賓降一等受之右執項左執前進將冠者

筵前東面立祝曰令月吉日始加元服弃爾初志順爾成德壽考維祺介爾景福乃跪冠興復西階上席後東面立賓之贊冠者進筵前東面跪結纓興復位冠者興賓揖冠者冠者適房賓主俱坐冠者著青衣素裳之服出房戶西南面立賓主俱興賓揖冠者冠者進升席西向坐賓之贊冠者跪脫緇布冠置於箱櫛畢設纓興復位賓降二等受進賢冠右執項左執前進冠者筵前東面立祝曰吉月令日乃申爾服敬爾威儀淑慎爾德眉壽萬年永受胡福乃跪冠興復位賓之贊冠者跪設簪結纓興復位冠者興賓揖冠

者冠者適房賓主俱坐冠者著絳紗服出房戶西南  
面立賓主俱興賓揖冠者冠者進升席西向坐賓之  
贊冠者跪脫進賢冠置於箱櫛畢設纒興復位賓降  
三等受冕右執項左執前進冠者筵前東面立祝曰  
以歲之正以月之令咸加爾服兄弟具在以成厥德  
黃者無疆受天之慶乃跪冠興復位賓之贊冠者跪  
設簪結纒興復位冠者興賓揖冠者冠者適房賓主  
俱坐主人贊冠者徹纒櫛簪箱及筵入於房又設筵  
於室戶西南向冠者著冕服出房戶西南面立賓主  
俱興主人贊冠者盥手洗解於房酌醴加柶覆之面

菜出房南面立賓揖冠者冠者就筵西南面立賓進受醴於室戶東柶面枋進冠者筵前北面立祝曰甘醴維厚嘉薦令芳拜受祭之以定爾祥承天之休壽考不忘冠者筵西拜受觶賓復西階上東面答拜執饌者奉饌薦於冠者筵前冠者升筵坐左執觶右取脯濡於醢祭於邊豆之間贊冠者取肺一以授冠者冠者奠觶於薦西興受卻左手執本坐右絕末以祭上左手齎之興以授贊冠者加於俎冠者坐帨手取觶以柶祭醴加柶於觶面菜興筵末坐啐醴建柶興降筵西南面跪奠觶再拜執觶興賓答拜賓主俱坐

冠者升筵跪奠觶於薦東興進北面跪取脯降自西階入見母進奠脯於席前退再拜以出冠者母不在則使人受脯於西階下初冠者入見母賓主俱興賓降當西序東面立主人降當東序西面立冠者既見母出立於西階之東南面賓少進字之曰禮儀既備令月吉日昭告爾字爰字孔嘉髦士攸宜宜之于嘏永受保之曰伯某甫冠者曰某雖不敏夙夜祇奉賓出主人送於內門外主人西面請賓曰吾子辱執事請禮從者賓曰某旣得將事敢辭主人曰敢固以請賓曰某辭不得命敢不從賓就次主人入初賓出冠

者東面見諸親諸親拜之冠者答拜冠者西面拜賓之贊冠者贊冠者答拜訖見諸尊於別室賓主既釋服改席訖興眾賓俱出次立於門西東面主人出門東西面主人揖賓賓報揖主人先入賓及眾賓從之至階一揖升各就座後立定俱升坐會訖賓主俱興賓立於西階上贊冠者在北少退俱東面主人立於東階上西面眾賓降立於西階下東面掌事者以幣篚升授主人於序端賓北面再拜主人進立於楹間南面賓進立於主人之右俱南面賓受篚退復東面位主人還阼階上北面拜送賓降自西階從者訝受

幣賓出主人送賓於大門外之東西面再拜賓退主人入孤子則諸父諸兄戒賓冠之日主人髻而迎賓拜揖讓如冠主冠於阼醮之及禮賓拜送如上儀明日見廟冠者朝服質明贊禮者引入廟南門中庭道西北面贊再拜訖引出

之贊冠而... 禮部... 贊冠而... 禮部... 贊冠而... 禮部...

服... 贊冠而... 禮部... 贊冠而... 禮部... 贊冠而... 禮部...

贊冠而... 禮部... 贊冠而... 禮部... 贊冠而... 禮部... 贊冠而... 禮部...

贊冠而... 禮部... 贊冠而... 禮部... 贊冠而... 禮部... 贊冠而... 禮部...

贊冠而... 禮部... 贊冠而... 禮部... 贊冠而... 禮部... 贊冠而... 禮部...

贊冠而... 禮部... 贊冠而... 禮部... 贊冠而... 禮部... 贊冠而... 禮部...

贊冠而... 禮部... 贊冠而... 禮部... 贊冠而... 禮部... 贊冠而... 禮部...

贊冠而... 禮部... 贊冠而... 禮部... 贊冠而... 禮部... 贊冠而... 禮部...

大唐開元禮卷第一百十九



大唐開元禮卷第一百二十

嘉禮

四品五品庶子冠

將冠筮日筮賓如嫡子之儀 前二日主人戒賓及

贊冠者 前一日掌事者設次於大門外之右南向

其日夙興贊者設洗於正寢阼階東南東西當東雷

南北以堂深疊水在洗東加勺冪篚在洗西南肆實

巾一爵一於篚加冪席於東房內西牖下無房者張惟為之

陳服於席東領北上冕服青衣纁裳四品絺冕服三章一章在衣粉

米二章在裳黼黻五品玄冕衣無章裳刺黼一章白紗中單青領標襪裙革

帶鉤鯨大帶

素帶純其垂外以玄內黃紐約皆用青組

敝玄冕山一章

劍飾以金

佩玉

雙綬

四品青綬三綬青白紅純青質長一丈四尺一百四十首廣七寸五品墨綬二綬青紺純紺質長一丈二尺一百首廣六寸皆有雙綬長二尺六寸色同大綬而首半

朱襪赤舄進賢冠服絳紗單衣白紗中單阜領襍

襪裙白裙襦赤裙革帶鉤鯨假帶曲領方心絳紗蔽

膝白襪黑舄劍雙綬緇布冠服青衣素裳素鞞甲單革帶

大帶劍佩與冕服同緇纒櫛簪同箱在服南纒今用阜巾方

六寸屬帶蒲筵三緇布純加萑席三玄帛純又在南

尊於房戶外之西兩甒玄酒在西加勺冪設筐於尊

東置二爵於坫加冪饌陳於坫北

饌用少牢及腊三俎六邊六豆牲體

節折加離肺邊實脯不質明賓贊至主人大門外掌  
之屬豆實菹醢之類

次者引之次賓贊公服諸行事者各服其服執尊壘

篚者皆就位冕緇冕垂青珠四旒以組爲纓色如其  
綬青纁充耳角導玄冕三旒餘同緇

冕進賢冠兩梁纓青綬導緇布冠青組纓冠冕各一

箱各一人執之侍於西階之西東面北上設主人之

席於阼階上西面賓席於西階上東面冠者席於房

戶外之西南面房外謂  
尊東主人公服立於阼階下當東

序西面諸親公服非公服者常服立於壘洗東南西

面北上尊者停  
別室儻者公服立於門內道東北面將冠

者雙童髻玉導金飾綵袴褶錦紳烏皮履立於房內

大  
唐  
開  
元  
禮  
卷  
第  
一  
百  
七  
十  
二

南面主人贊冠者公服立於房內戶東西面賓及贊冠者出次立於門西贊冠者少退俱東面北上僮者進於主人之左北面受命出立於門東西面曰敢請

事賓曰某子有嘉禮命某執事僮者入告主人迎賓

於大門外之東西面再拜賓答拜凡賓主拜揖入出皆贊禮者相導

主人揖贊冠者贊冠者報揖主人又揖賓賓報揖主

人人賓及贊冠者次入及內門主人揖賓賓報揖主

人與賓入贊冠者從之至內雷將曲揖賓報揖至階

主人立於階東西面賓立於階西東面主人曰請吾

子升賓曰某備將事敢辭主人曰固請吾子升賓曰

某敢固辭主人曰終請吾子升賓曰某敢終辭主人  
升自阼階立於席東西向賓升自西階立於席西東  
向贊冠者及庭盥洗升自西階入於東房立於主  
人贊冠者之南俱西面主人贊冠者引將冠者出立  
於房戶外之西南向賓之贊冠者取纒櫛簪箱跪奠  
於冠者筵東端興席東少北南面立賓揖將冠者賓  
主俱卽席坐將冠者進升席南面坐賓之贊冠者進  
筵前北面跪脫雙童髻置於箱櫛畢設纒興復位賓  
主俱興賓降盥主人從降賓東面辭曰請吾子不降  
主人曰吾子降辱敢不從降賓至盥洗盥手訖詣西

階賓主一揖一讓升主人立於席後西面賓立於西  
階上東面執緇布冠者升賓降一等受之右執項左  
執前進將冠者筵前北面跪冠興復西階上席後東  
面立賓之贊冠者進筵前北面跪結纓興復位冠者  
興賓揖冠者冠者適房賓主俱坐冠者著青衣素裳  
之服出房立於戶西南面賓主俱興賓揖冠者冠者  
進立於席後南面賓降盥主人從降辭對如初賓盥  
手跪取爵於筐興洗訖詣西階賓主一揖一讓升主  
人立於席後西面賓詣酒尊所酌酒進冠者筵前北  
面立祝曰旨酒既清嘉薦亶時始加元服兄弟具來

孝友時格永乃保之冠者筵西拜受爵賓復西階上  
東面答拜執饌者薦籩豆於冠者筵前冠者升筵坐  
左執爵右取脯孺於醢祭於籩豆之間祭酒興筵末  
坐啐酒執爵興降筵西跪奠爵興賓答拜冠者升筵  
跪奠於薦東興立於筵西南面執饌者徹薦爵賓揖  
冠者冠者進升筵南向坐賓之贊冠者跪脫緇布冠  
置於箱櫛畢設纒興復位賓降二等受進賢冠右執  
項左執前進冠者筵前北面跪冠興復位賓之贊冠  
者坐設簪結纓興復位冠者興賓揖冠者冠者適房  
賓主俱坐冠者著絳紗服出房立於戶西南面賓主

俱興賓揖冠者進立於席後南面賓詣酒尊所取爵酌酒進冠者筵前北面立祝曰旨酒既清嘉薦伊脯乃申爾服禮儀有序祭此嘉爵承天之祐冠者筵西拜受爵賓復西階上東面答拜執饌者薦豆冠者升筵坐左執爵右祭脯醢祭酒興筵末坐啐酒執爵興降筵西跪奠爵再拜執爵興賓答拜冠者升筵坐奠爵於薦東興立於筵西南面執饌者徹薦爵賓揖冠者冠者進升席南面坐賓之贊冠者跪脫進賢冠置於箱櫛畢設纒興復位賓降三等受冕右執項左執前進冠者筵前北面跪冠興復位賓之贊冠者坐設



簪結纓興復位冠者興賓揖冠者冠者適房賓主俱  
坐主人贊冠者徹櫛箱入於房冠者著冕服出房立  
於戶西南面賓主俱興賓揖冠者冠者進立於席後  
南面賓詣酒尊所取爵酌酒進冠者筵前北面立祝  
曰旨酒令芳籩豆有楚咸加爾服肴升折俎承天之  
慶受福無疆冠者筵西拜受爵賓復位東面答拜執  
饌者薦籩豆設俎於籩豆之南冠者升筵坐左執爵  
右祭脯醢贊冠者取肺一以授冠者冠者奠爵於薦  
西興受卻左手執本坐右絕末以祭上左手齍之興  
加於俎冠者坐帨手執爵祭酒興筵末坐啐酒興降

筵西南面坐奠爵再拜執爵興賓答拜冠者升筵坐  
 奠爵於薦東興降席北面跪取脯降自西階入見母  
 進奠脯於席前退再拜以出冠者母不在則使人受  
 脯於西階下初冠者入見母賓主俱興賓降當西序  
 東面立主人降當東序西面立冠者既見母出立於  
 西階之東南面賓少進字之曰禮儀既備令月吉日  
 昭告爾字爰字孔嘉髦士攸宜宜之于嘏永受保之  
 曰孟某甫仲叔季惟其所當冠者曰某雖不敏夙夜  
 祇奉賓出主人送於內門外主人西面請賓曰吾子  
 辱執事請禮從者賓曰某既得將事敢辭主人曰敢

固以請賓曰某辭不得命敢不從賓就次主人入初  
賓出冠者東面見諸親諸親拜之冠者答拜冠者西  
南面拜賓之贊冠者贊冠者答拜訖見諸尊於別室  
賓主旣釋服改席訖賓與眾賓俱出次立於門西東  
向主人出門東西向主人揖賓賓報揖主人先入賓  
及眾賓從之至階一讓升各就座後立定俱坐會訖  
賓主俱興賓立於西階上東面主人立於東階上西  
面眾賓降立於西階下東面掌事者以幣篚升授主  
人於序端賓北面再拜主人進立於楹閒南面賓進  
立於主人之右俱南面賓受篚退復東面位主人還

阼階上北面拜送賓降自西階從者訝受幣賓出主人送賓於大門外之東西面再拜賓退主人入孤子則諸父諸兄戒賓冠之日主人髻而迎賓拜揖讓如冠主冠醮禮賓拜送皆如上儀 明日見廟冠者朝服質明贊禮者引入廟南門道西中庭北面贊再拜訖引出

大唐開元禮卷第一百二十

大唐開元禮卷第一百二十一

嘉禮

六品以下嫡子冠

將冠筮於正寢之堂

若有廟者於廟門外如五品以上之儀

主人

謂將冠者

之父

公服立堂上楹閒近東西面掌事者立於楹閒

近東西面北上布筮席於主人之西西面筮者開贛

出策兼執之東面受命於主人主人曰為嫡子某某

日加冠庶幾從之筮者曰諾進就筮席西面以贛擊

策遂述曰假爾泰筮有常某為嫡子某某日加冠庶

幾從之乃釋贛坐筮訖興降席東面稱占曰從筮者

退若不吉則筮遠日 如初儀贊禮者進主人之左告

禮畢掌事者徹筮席 前三日筮賓如求日之儀 筮賓

筮其可使冠子者 前二日主人戒賓及贊冠者主人至賓大

門外掌次者引之次主人公服出次立於門外之西

東向賓公服立於阼階下西面儻者公服進於賓之

左北面受命出立於門東西面曰敢請事主人曰某

之子某將加冠請某子教之 相稱各隨官爵 儻者入告賓出

立於門東西面再拜主人答拜主人曰某之子某將

加冠願吾子教之賓曰某不敏恐不能供事以辱吾

子敢辭主人曰某猶願吾子教之賓曰吾子重有命

某敢不從主人再拜負答拜主人還賓拜送主人戒

贊冠者亦如之亦通使子弟戒之前一日掌事者設次於大

門外之右南向其日夙興贊者設洗於正寢阼階東

南東西當東榮南北以堂深壘水在洗東加勺冪篚

在洗西南肆實巾一爵一於篚加冪席於東房內西

牖下無房者張帷為之陳服於席東領北上爵弁服青衣纁

裳白紗中單青領標襪裙革帶鉤觶大帶練帶純其垂內外以

緇紐約用青組爵鞞白襪赤履庶人介噴絳公服方心進賢

冠服絳紗單衣白紗中單阜領標襪裙白裙襦赤裙

革帶鉤觶假帶曲領方心絳紗蔽膝八品九品去中單曲領蔽膝

白鞞黑舄

八品以下黑履庶人黑介幘服白裙襦內領革帶鞞履

緇布冠服青

衣素裳素鞞

中單革帶與爵弁服同襪履與進賢冠服同庶人帶鞞履與介幘服同去鞞

緇纒櫛簪同箱在服南

纒今用阜巾方六寸屬帶於前兩隅蒲筵四緇

布純又在南側尊甒醴在服北加勺罍設篚在尊北

實角觶角柶各一加冪饌陳於篚北

柶以角為之狀如匕饌用特一

俎二邊二豆牲體節折加離肺邊實脯棗豆實苴醢

設洗於東房近北罍水在

洗西篚在洗東北肆實以巾

質明賓贊至主人大

門外掌次者引之次賓贊公服諸行事者各服其服

無者常服

執尊罍篚者皆就位爵弁玄纒導

庶人則進賢

冠一梁纒青綏導

庶人則黑介幘

緇布冠青組纒冠弁各一



箱各一人執之侍於西階之西東面北上設主人之  
席於阼階上西面賓席於西階上東面冠者席於主  
人東北西面主人公服立於阼階下當東序西面諸

親公服非公服者常服立於壘洗東南西面北上

停別 儻者公服立於門內道東北面將冠者雙童髻

空頂幘導綵袴褶錦紳烏皮履立於房內南面主人

之贊冠者公服立於房內戶東西面賓及贊冠者出

次立於門西贊冠者少退俱東面北上儻者進於主

人之左北面受命出立於門東西面曰敢請事賓曰

某子有嘉禮命某執事儻者入告主人迎賓於大門

外之東西面再拜賓

合拜凡賓主拜揖入出皆贊禮者相導

主人揖

贊冠者贊冠者報揖主人又揖賓賓報揖主人入賓

及贊冠者次入及內門主人揖賓賓報揖主人與賓

入贊冠者從之至內雷將曲揖賓報揖至階主人立

於階東西面賓立於階西東面主人曰請吾子升賓

曰某備將事敢辭主人曰固請吾子升賓曰某敢固

辭主人曰終請吾子升賓曰某敢終辭主人升自阼

階立於席東西向賓升自西階立於席西東向贊冠

者及庭盥洗升自西階入於東房立於主人贊冠者

之南俱西面主人贊冠者引將冠者出立於房戶外

之西南向賓之贊冠者取纒櫛簪箱跪奠於冠者筵南端興席北少東西面立賓揖將冠者賓主俱卽席坐將冠者進升席西面坐賓之贊冠者進筵前東面跪脫雙童髻置於箱櫛畢設纒興復位立賓主俱興賓降盥主人從降賓東面辭曰請吾子不降主人曰吾子降辱敢不從降賓至盥洗盥手訖詣西階賓主一揖一讓升主人立於席後西面賓立於西階上東面執緇布冠者升賓降一等受之右執項左執前進將冠者筵前東面立祝曰令月吉日始加元服棄爾幼志順爾成德壽考維祺介爾景福乃跪冠興復西

階上席後東面立賓之贊冠者進筵前東面跪結纓

興復位冠者興賓揖冠者冠者適房賓主俱坐冠者

著青衣素裳之服出房戶西南面立賓主俱興賓揖

冠者冠者進升席西向坐賓之贊冠者跪脫緇布冠

置於箱櫛畢設纒興復位賓降二等受進賢冠庶人則黑

介右執項左執前進冠者筵前東面立祝曰吉月令

辰乃申爾服敬爾威儀淑慎爾德眉壽萬年永受胡

福乃跪冠興復位賓之贊冠者跪設簪結纓興復位

冠者興賓揖冠者冠者適房賓主俱坐冠者著絳紗

服庶人則白出房戶西南面立賓主俱興賓揖冠者

冠者進升席西向坐賓之贊冠者跪脫進賢冠

庶人則脫

黑介幘

置於箱櫛畢設纒興復位賓降三等受爵弁冠

庶人則黑介幘

右執項左執前進冠者筵前東面立祝曰以

歲之正以月之令咸加爾服兄弟具在以成厥德黃

者無疆受天之慶乃跪冠興復位賓之贊冠者跪設

簪結纒興復位冠者興賓揖冠者冠者適房賓主俱

坐主人贊冠者徹纒櫛簪箱及筵入於房又設筵於

室戶西南向冠者著爵弁之服

庶人則絳公服

出房戶西南

面立賓主俱興主人贊冠者盥手洗觶於房酌醴加

柶覆之面菜出房南面立賓揖冠者冠者就筵西南

面立賓進受醴於室戶東柶面枋進冠者筵前北面立祝曰甘醴維厚嘉薦令芳拜受祭之以定爾祥承天之休壽考不忘冠者筵西拜受解賓復西階上東面答拜執饌者奉饌薦於冠者筵前冠者升筵坐左執觶右取脯濡於醢祭於籩豆之間贊冠者取肺一以授冠者冠者奠觶於薦西興受卻左手執本坐右絕末以祭上左手齊之興以授贊冠者加於俎冠者坐悅手取觶以柶祭醴加柶於觶面菜興筵末坐啐醴建柶興降筵西南面跪奠觶再拜執觶興賓答拜賓主俱坐冠者升筵跪奠觶於薦東興進北面跪取

脯降自西階入見母進奠脯於席前退再拜以出冠者母不在則使人受脯於西階下初冠者入見母賓主俱興賓降當西序東面立主人降當東序西面立冠者既見母出立於西階之東南面賓少進字之曰禮儀既備令月吉日昭告爾字爰字孔嘉髦士攸宜宜之于嘏永受保之曰伯某甫冠者曰某雖不敏夙夜祇奉賓出主人送於內門外主人西面請賓曰吾子辱執事請禮從者賓曰某既得將事敢辭主人曰敢固以請賓曰某辭不得命敢不從賓就次主人入初賓出冠者東面見諸親諸親拜之冠者答拜冠者

西面拜賓之贊冠者 贊冠者答拜訖見諸尊於別室  
賓主既釋服改席訖賓與眾賓俱出次立於門西東  
面主人出門東西面主人揖賓賓報揖主人先入賓  
及眾賓從之至階一讓升各就座後立定俱升坐會  
訖賓主俱興賓立於西階上贊冠者在北少退俱東  
面主人立於東階上西面眾賓降立於西階下東面  
掌事者以幣筐升授主人於序端賓北面再拜主人  
進立於楹間南面賓進立於主人之右俱南面賓受  
筐退復東面位主人還阼階上北面再拜送賓降自  
西階從者訝受幣賓出主人送賓於大門外之東西



面再拜賓退主人入孤子則諸父諸兄戒賓冠之日  
主人紛而迎賓拜揖讓如冠主冠於阼醮之及禮賓  
拜送皆如上儀 明日見祖禰於正寢冠者公服庶人  
則常服 質明設几筵於正寢贊禮者引入至庭北面再  
拜訖引出有廟者見於廟 五品以上孫九品以上子冠假用  
出身品服其三品以上大功以上親五品以上期以  
上親冠同八品九品服

主人出門東西面主人揖賓賓報揖主人先入賓  
 至賓既釋服改席訖賓與主人俱出次立於門西東  
 面主人出門東西面主人揖賓賓報揖主人先入賓  
 至賓既釋服之品諸品類升各就座後立定俱升坐會  
 出賓品類其宣品以酒大也與主膳正品以酒類以  
 類諸品成前類類正品地正品以酒類以正品類以  
 以酒類以正品類以正品類以正品類以正品類以  
 送設資破土第而類以酒類以正品類以正品類以  
 正品類以正品類以正品類以正品類以正品類以

大唐開元禮卷第一百二十一  
 又新長類資類之日

大唐開元禮卷第一百二十二

嘉禮

六品以下庶子冠

將冠筮日筮賓如嫡子之儀 前二日主人戒賓及

贊冠者 前一日掌事者設次於大門外之右南向

其日夙興贊者設洗於正寢阼階東南東西當東榮

南北以堂深壘水在洗東加勺冪筐在洗西南肆實

巾一爵一於筐加冪席於東房內西牖下 無房者張帷為之

陳服於席東領北上爵弁服青衣纁裳白紗中單青

領標襪裙革帶鉤簪大帶 練帶紕其垂內外 爵鞞白

鞮赤履庶人介幘服絳公服方心革帶鉤觶假帶襪履進賢冠服絳紗單衣

白紗中單卓領襍褻裙白裙襦赤裙衫革帶鉤觶假帶

曲領方心絳紗蔽膝八品九品去中單曲領蔽膝白鞮黑舄八品以下

黑履庶人黑介幘服白緇布冠服青衣素裳素鞞中單

革帶緇帶與爵弁服同鞞履與進賢冠緇纒櫛簪同

箱在服南纒今用阜巾方六寸屬帶於前兩隅蒲筵三緇布純又在南

尊於房戶外之西甒醴玄酒在西加勺冪設篚於尊

東置二爵於篚加冪饌特牲一俎二邊二豆在服北牲體節折加離肺邊實脯棗豆

實菹醢之類質明賓贊至於主人大門外掌次者引之次

賓贊公服諸行事者各服其服無者常服執尊壘篚者皆

就位爵弁玄纓導

庶人則介幘

進賢冠一梁纓青綏導

庶人

則黑介幘

緇布冠青組纓冠弁各一箱各一人執之侍於

西階之西東面北上設主人之席於阼階上西面賓

席於西階上東面冠者席於房戶外之西南面

房外謂尊

東主人公服立於阼階下當東序西面諸親公服非

公服者常服立於壘洗東南西面北上

尊者停別室

僮者

公服立於門內道東北面將冠者雙童髻空頂幘導

綵袴褶錦紳烏皮履立於房內戶東南面主人贊冠

者公服立於房內戶東西面賓及贊冠者出次立於

門西贊冠者少退俱東面北上僮者進於主人之左

北面受命出立於門東西面曰敢請事賓曰某子有嘉禮命某執事儻者入告主人迎賓於大門外之東西面再拜賓答拜

凡賓主拜揖入出皆贊禮者相導

主人揖贊冠者

贊冠者報揖主人入賓及贊冠者次入及內門主人揖賓賓報揖主人與賓入贊冠者從之至內雷將曲揖賓報揖至階主人立於階東西面賓立於階西東面主人曰請吾子升賓曰某備將事敢辭主人曰固請吾子升賓曰某敢固辭主人曰終請吾子升賓曰某敢終辭主人升自阼階立於席東西向賓升自西階立於席西東向贊冠者及庭盥洗升自西階入於

東房立於主人贊冠者之南俱西面賓之贊冠者取  
纒櫛簪箱跪奠於冠者筵東端興席東少北南面立  
賓揖將冠者賓主俱卽席坐將冠者進升席南面坐  
賓之贊冠者進筵前北面跪脫雙童髻置於箱櫛畢  
設纒興復位賓主俱興賓降盥主人從降賓東面辭  
曰請吾子不降主人曰吾子降辱敢不從降賓至巽  
洗盥手訖詣西階賓主一揖一讓升主人立於席後  
西面賓立於西階上東面執緇布冠者升賓降一等  
受之右執項左執前進將冠者筵前北面跪冠興復  
西階上席後東面立賓之贊冠者進筵前北面跪結

纓興復位冠者興賓 揖冠者冠者適房賓主俱坐冠者著青衣素裳之服出房立於戶西南面賓主俱興賓揖冠者冠者進立於席後南面賓降盥主人從降辭對如初賓盥手跪取爵於篚興洗訖詣西階賓主一揖一讓升主人立於席後西面賓詣酒尊所酌酒進冠者筵前北面立祝曰旨酒既清嘉薦亶時始加元服兄弟具來孝友時格永乃保之冠者筵西拜受爵賓復西階上東面答拜執饌者薦籩豆於冠者筵前冠者升筵坐左執爵右取脯擣於醢祭於籩豆之間祭酒興筵末坐啐酒執爵興降筵西跪奠爵再拜



執爵與賓答拜冠者升筵跪奠爵於薦東興立於筵

西南面執饌者徹薦爵賓揖冠者冠者進升筵南向

坐賓之贊冠者跪脫緇布冠置於箱櫛畢設纒興復

位賓降二等受進賢冠庶人則黑介幘右執項左執前進冠

者筵前北面跪冠興復位賓之贊冠者坐設簪結纓

興復位冠者興賓揖冠者冠者適房賓主俱坐冠者

著絳紗服庶人則白裙襦服出房立於戶西南面賓主俱興

賓揖冠者進立於席後南面賓詣酒尊所取爵酌酒

進冠者筵前北面立祝曰旨酒既清嘉薦伊脯乃申

爾服禮儀有序祭此嘉爵承天之祐冠者筵西拜受

爵賓復西階上東面曰拜執饌者薦豆冠者升筵坐

左執爵右祭脯醢祭酒興筵末坐啐酒執爵興降筵

西跪奠爵於薦東興立於筵西南面執饌者徹薦爵

賓揖冠者冠者進升席南面坐賓之贊冠者跪脫進

賢冠庶人則脫置於箱櫛畢設纒興復位賓降三等

受爵弁庶人則介幘右執項左執前進冠者筵前北面跪

冠興復位賓之贊冠者坐設簪結纓興復位冠者興

賓揖冠者冠者適房賓主俱坐主人贊冠者徹櫛箱

入於房冠者著爵弁之服庶人則絳公服出房立於戶西南

面賓主俱興賓揖冠者冠者進立於席後南面賓詣

酒尊所取爵酌酒進冠者筵前北面立祝曰旨酒令  
芳籩豆有楚咸加爾服肴升折俎承天之慶受福無  
疆冠者筵西拜受爵賓復位東面答拜執饌者薦籩  
豆設俎於籩豆之南冠者升筵坐左執爵右祭脯醢  
贊冠者取肺一以授冠者冠者奠爵於薦西興受卻  
左手執本坐右絕末以祭上左手齊之興加於俎冠  
者坐悅手執爵祭酒興筵末坐啐酒興降筵西南面  
坐奠爵再拜執爵興賓答拜冠者升筵坐奠爵於薦  
東興降席北面跪取脯降自西階入見母進奠脯於  
席前退再拜以出冠者母不在則使人受脯於西階

下初冠者入見母賓。主俱興賓降當西序東面立。主人降當東序西面立。冠者既見母出立於西階之東。南面賓少進。字之曰禮儀。既備令月吉日昭告爾字。爰字孔嘉。髦士攸宜。宜之于嘏。永受保之。曰孟某甫。仲叔季惟其所當。冠者曰某雖不敏夙夜祇奉賓出。主人送於內門外。主人西面請賓曰吾子辱執事請禮從者。賓曰某既得將事敢辭。主人曰敢固以請。賓曰某辭不得命敢不從。賓就次。主人入。初賓出冠者東面見諸親。諸親拜之。冠者答拜。冠者西南面拜賓。之贊冠者。贊冠者答拜訖見諸尊於別室。賓主既釋。

服改席訖賓與眾賓俱出次立於門西東面主人出立於門東西面主人指賓賓報揖主人先入賓及眾賓從之至階一讓升各就座後立定俱坐會訖賓主俱興賓立於西階上東面主人立於東階上西面眾賓降立於西階下東面掌事者以幣篚升授主人於序端賓北面再拜主人進立於楹閒南面賓進立於主人之右俱南面賓受篚退復東面位主人還阼階上北面拜送賓降自西階從者誨受幣賓出主人送賓於大門外之東西面再拜賓退主人入孤子則諸父諸兄戒賓冠之日主人紆而迎賓拜揖讓如冠主

冠醮禮賓拜送皆如上儀 明日見祖禰於正寢冠

者公服庶人則常服 質明設几筵於其正寢贊禮者引入

至庭北面再拜訖引出有廟者見於廟 五品以上子孫九品

以上子冠假用出身品服其三品以上大功以上親

五品以上朞以上親冠同八品九品服

大唐開元禮卷第一百二十三

嘉禮

三品以上婚

納采

問名

納吉

納徵

請期

親迎

見舅姑

盥饋

婚會

婦人禮會

饗丈夫送者

饗婦人送者

納采

婚禮先使媒氏通書女氏許之乃致納采之禮

前

一日主人設賓次於大門外道右南向以後納吉納

徵請期親迎設次皆如之 其日大昕使者至女氏

大門外掌次者延入次主人公服受其禮於廟無廟者於

正寢掌事者布神席於室戶外之西右几使者公服出

次立於大門外之西東向主人立於東階下西面儻

者立於主人之左北面受命出立於門東西面曰敢

請事賓曰吾子有命貺室某也吾子女父某婿名某有先人

之禮使某也請納采上某婿父名下某使者稱儻者入告主人曰

某之子蠢愚又弗教吾子命之某不敢辭儻者出告

掌畜者以鴈授賓退立於後賓左手執之主人迎於

大門外之東西面再拜賓不答拜主人揖賓以入賓



從入主人入門而右賓入門而左至於次門主人又  
揖入至內雷將曲揖當階揖至階主人曰請吾子升  
賓曰某敢辭主人曰固請吾子升賓曰某敢固辭主  
人曰終請吾子升賓曰某敢終辭主人升東階當阿  
阿棟也西面賓升西階當阿東面賓曰敢納采主人阼  
階上北面再拜進立於楹閒南面賓進立於主人之  
西俱南面賓授鴈降自西階以出

問名

納采禮畢賓既降立於內門外之西東向初賓降主  
人還阼階東左右受鴈於序端主人降立於阼階下

西面僮者進受命出。兩事賓曰：某既受命，請加諸卜。敢請女爲誰氏。僮者入告主人曰：吾子有命，且以備數而擇之。某不敢辭。僮者出告掌畜者，以鴈授賓。退立於後。主人迎於內門外之東西面，揖賓以入。主人入門而右，賓入門而左。二揖至階，三讓如初。主人升阼階，當阿西面。賓升西階，當阿東面，曰：敢問名。主人於阼階上北面再拜，進立於楹閒。南面，賓進立於主人之西，俱南面。賓授鴈，還立西階上。東面，主人還阼階上。西面曰：某第。某女某氏出。賓出立於內門外之西，東向。主人退立於阼階東，左右受鴈於序端。主人

降立於阼階下西面僎者進受命出請事賓曰禮畢  
僎者入告主人曰吾子爲事故至於某之室某有先  
人之禮請禮從者僎者出告賓曰某旣得將事敢辭  
僎者入告主人曰先人之禮敢固以請僎者出告賓  
曰某辭不得命敢不從僎者入告主人升立於序端  
掌事者徹几改筵東上莞筵紛純加藻席纁純一品  
二品雕几三品彤几主人設  
神席亦設甌醴於東房內西牖下加勺冪此拈在尊北  
實觶一角枳一加冪邊豆在拈北實脯醢設洗於東  
房近北冪水在洗西篚在洗東北肆設訖主人降迎  
賓於內門外之東西向主人揖賓賓報揖主人入賓

從入二揖至階三讓如初升主人於阼階上北面再  
拜賓於西階上北面答拜主人受几於序端掌事者  
內拂几三奉兩端西北向以進主人東南向外拂几  
三振袂內執之進西北向使者迎受於筵前東南向  
以俟主人還阼階上北面拜送賓以几避北面坐設  
於座左興退於西階上北面答拜立於西階東面贊  
者盥手洗觶酌醴加柶於觶覆之面菜出房南面立  
主人受醴面枋進筵前北面立賓於西階上北面一  
拜進筵前東南面受醴復西階上位主人還阼階上  
北面一拜送贊者薦脯醢於筵前賓進升筵坐左執

觶右取脯擣於醢祭於籩豆之間以杞祭醴三始扱  
一祭又扱再祭興以杞兼諸觶上撒降筵於西階上  
北面坐啐醴建杞奠觶遂拜執觶興主人答拜賓進  
升筵坐奠觶於籩豆之東賓退立於西階上東面掌  
事者奉篚幣升自東階主人受於序端進西面立賓  
西階上北面再拜主人進楹閒南面立賓進立於主  
人之西俱南面主人以幣篚授賓賓受退立於西階  
上東面主人還東階上北面拜送賓降自西階從者  
訝受幣賓出大門外之西東面立主人降出門東西  
面拜送賓退主人入立於東階下西面饋者告於主

人曰賓不顧矣主人乃還於寢於使者歸主人壻之父

公服立於阼階下西面使者入告立於主人之左北

面曰某既得將事敢告主人曰聞命使者退主人入

以下復命準此

### 納吉

其日大昕使者至女氏大門外掌次者延入次掌事

者設几筵如初使者出次立於主人大門外之西東

向主人立於阼階下西面儻者進受命出請事賓曰

吾子有貺命某加諸卜占曰吉使某也敢告某壻父名使某

使者名儻者入告主人曰某之子弗教惟恐弗堪吾子

有吉某預在焉某不敢辭僎者出告掌畜者以鴈授使者退立於後主人迎拜如常主人揖賓以入賓從入主人入門而右賓入門而左至於次門主人揖入二揖至階三讓如初主人升阼階上西面賓升西階上東面曰敢納吉主人北面再拜進立於楹閒南面賓進立於主人之西俱南面賓授鴈降自西階以出立於次門外之西東向初使者降主人還阼階東左右受鴈於序端主人降立於阼階下西面僎者進受命出請事使者曰禮畢其禮賓如問名之儀

納徵

其日大昕賓至女氏大門外掌事者延就次賓之掌

事者入布幕於主人次門之外玄纁束陳於幕上乘

馬陳於幕南北首西上主人掌事者設几筵如初其

纁束玄三匹纁二匹合束之陳設訖使者出次立於主人大門外

之西東向主人立於阼階下西面儻者進受命出請

事賓曰吾子有嘉命貺室某也某有先人之禮束帛

乘馬使某也請納徵儻者入告主人曰吾子順先典

貺某以重禮某敢不承命儻者出告主人迎拜如常

主人揖賓以入賓從入主人入門而右賓入門而左

至次門主人立於門東西面賓立於西塾東面掌事



者坐取玄纁興以授賓賓執主人揖賓以入執馬者  
從入陳於庭三分庭一在南北首西上主人二揖至  
階三讓如初主人升阼階當阿西面賓升西階當阿  
東面曰敢納徵主人於阼階上北面再拜進立於楹  
閒南面賓進立於主人之西俱南面授束帛受馬者  
自左受之以東賓之執馬者自前西面出賓初授束  
帛降出次門外之西東向主人還阼階東左右受束  
帛於序端主人降立於阼階下西面僮者進受命出  
請事賓曰禮畢其禮賓如問名之儀

請期

其日大昕使者至於女氏大門外掌事者延入次又  
 掌事者設几筵如初使者出次立於主人大門外之  
 西東向主人立於阼階下西面僎者進受命出請事  
 賓曰吾子有賜某既申受命惟是三族之不虞使某  
 也請吉日僎者入告主人曰既前受命矣惟命是聽

僎者出告賓曰某聽命於吾子

某婿父名

僎者入告主人

曰某固惟命是聽僎者出告賓曰某使某受命於吾  
 子吾子不許某敢不告期日曰某

某吉日之甲乙

僎者入告

主人曰某敢不敬須僎者出告掌畜者以鴈授使者  
 退立於後主人迎拜如常主人揖賓以入賓從入主

人入門而右賓入門而左二揖至階三讓而升主人  
升阼階當阿西面賓升西階當阿東面曰敢告期主  
人阼階上北面再拜進立於楹閒南面賓進立於主  
人之西俱南面賓授鴈降出立於次門外之西東向  
主人還阼階東左右受鴈於序端主人降立於阼階  
下西面僎者進受命出請事賓曰禮畢其禮賓如納  
徵之儀

### 親迎

其日大昕堦之父女之父各服其服告於禰廟

以酒脯告

之一獻無廟者告於正寢

將行父醮子於正寢贊者布席於東序

西向又設席於戶囑之間南向父公服坐於東序西

向子服其上服一品衮冕二品鷩冕三品毳冕四品

服升自西階進立於席西南向贊者酌酒進北面以

授子子再拜受爵贊者薦脯醢於席前脯醢出自房子升

席跪左執爵右取脯搗於醢祭於籩豆之間右祭酒

執爵興降席西南面跪卒爵奠爵再拜執爵興贊者

受虛爵還尊所子進立於父席前東面父命之曰往

迎爾相承我宗事勛率以敬先妣之嗣若則有常庶子

但云往迎爾相助率以敬子再拜曰不敢忘命又再拜降出初昏

設洗於阼階東南東西當東霤南北以堂深壘水在

洗東加勺冪筐在洗西南肆實爵二巾一加冪設婦

洗於東房近北壘水在洗西加勺冪筐在洗東北肆

實以巾加冪陳饌於東房內西墉下牲用少牢及腊

二登豆數一品十六二品十四三品十二也壻及婦共牢婦之簋簠及豆

登之數各視其夫牲體皆節折簋實稷黍簠實稻粱登實以羹豆實醢醬藿菹之類

簋簠豆登加蓋俎加冪尊於室中北墉下玄酒在西

加勺冪南枋又設尊於房內之東加勺冪無玄酒筐

在南實四爵合盞加冪夫婦酌於內尊四爵兩盞凡六夫婦各三爵主人

乘革輅備儀仗從者公服乘車以從婦車及從車各

準其夫至於婦氏大門外掌次者延入次贊者布席

於室戶外之西西一右几又布席於房戶內南向設

醴尊於房內東壁下加勺冪篚在北實觶一角柶一

於篚加冪籩一豆一又在篚北女各準其夫服花釵

翟衣一品花釵九樹翟九等二品花釵八入於房即

席南面立姆服禮衣在其右女從者在其後父公服

升自東階立於房戶外之東西面內贊者以觶酌醴

加柶覆之面枋進女席前北面女降席西南面再拜

受觶內贊者薦脯醢於席前女升席跪左執觶右取

脯擣於醢祭於籩豆之間遂以柶祭醴三始扱一祭

又扱再祭興筵末跪啐醴建柶奠觶於豆東降席西

再拜訖升席南面立內贊者徹薦解主人降立於東階南面賓出次立於門西東面賓賓者進受命出立

於門東西面曰敢請事賓曰吾子有命以茲初昏某父使某將請承命儻者入告主人曰某固敬具以須主人迎賓於大門外之東西面再拜賓答拜主人揖賓賓報揖主人入賓執鴈從入至於寢門主人又揖入至內霤將曲揖當階揖至階主人曰請吾子升賓曰某敢辭主人曰固請吾子升賓曰某敢固辭主人曰終請吾子升賓曰某敢終辭主人升自阼階西面立賓升自西階進當房戶北面跪奠鴈興再拜降出

主人不降送於賓。門母出立於房戶外之西南面。於賓拜訖，姆導女出於母左，父少進西面戒之，必有正焉。若衣若花，命之曰戒之敬之。夙夜無違，命母戒於西階上，施衿結帨，戒之曰勉之敬之。夙夜無違，佩

巾庶母及門內施鞶，申之以父母之命，命之曰敬恭。

聽宗爾父母之言，夙夜無憊，視諸鞶。鞶小囊，婦人鞶，絲所以盛帨巾。

之屬女出至車，壻授綏，姆辭曰未教，不足與為禮。婦乘

以几加幃，壻馭輪三周，馭者代之。主人使其屬送之。

壻出乘車，先婦車從而行。至於門外下車，以俟婦至。

降車北面立，壻南面揖婦以入。及寢門，又揖以入，贊



者徹尊冪酌玄酒三注於尊女從者布席於奧東向

西南隅謂之奧若室內窄則席於堂上楹間東向設尊於室戶東主人導婦升自西

階入室即席東面立婦入立於尊西南面壻盥於南

洗女從者沃之婦盥於北洗壻從者沃之贊者以饌

入設醬於席前菹醢在其北俎三入設於豆東腊特

於俎北贊者設黍於醬東稷稻粱在東設滫於醬南

設對醬於東對醬婦醬也菹醢在其南北上設黍於

腊北其西稷稻粱設滫於醬北贊啟會卻於簋籩南

對簋籩於北啟發皆加匕箸壻從者布對席於饌東贊

者西面告饌具主人揖婦婦即對席西面皆坐贊者

授匕箸各以菹擣於醢皆祭於豆閒又皆祭黍贊者

各取肺絕末以授皆祭贊者以肺加於俎凡祭與食皆贊者贊

之贊者各移黍置於席上授肺脊食以涪醬三飯卒

食贊者二人俱洗爵於房酌於室內之尊詣戶西北

面以醕主人主人及婦皆興再拜受爵贊者北面答

拜主人及婦皆坐祭酒贊者以肝從皆奠爵取肝振

祭濟之贊者皆受實於俎豆各取爵飲訖執爵興贊

者受爵主人及婦皆再拜贊者以爵復於坫又以爵

酌酒再醕主人及婦仍立受爵坐飲卒爵皆興贊者

受爵復於坫三醕用盞如再醕主人及婦立於席後

贊者皆降東階洗爵升酌於戶外尊入戶西北面俱奠爵興再拜皆坐取爵遂飲卒爵遂拜執爵興夫婦答拜降奠爵於筐主人出脫服於房婦退立尊西南面位贊者徹饌設於東房如初婦脫服於室衽於奧北趾衽臥席主人入燭出婦從者餽夫之餘夫從者餽婦之餘贊者酌戶外尊酌之女從者待於戶外呼則聞

見舅姑

質明贊者見婦於舅姑立於寢門外贊者布舅席於東序西向布姑席於房戶外之西南向舅姑俱卽席

坐婦執筭棗栗筭竹器也自門外入升自西階東面

再拜進跪奠於舅席前舅撫之贊者進徹以東婦退

復東面位又再拜降自西階受筭股脩股脩婦從者執俟於階下

升進北面再拜進跪奠於姑席前姑舉之內贊者受

以東婦退復北面位又再拜贊禮布婦席於室戶西

南面在姑席之西少北側尊無醴於戶內東壁下加勺冪邊

豆各一實以脯醢在尊北設洗於東房近北罍水在

洗西篚在洗東北肆篚實以巾觶角婦立於席西南

面內贊者盥手洗觶酌醴加枲面枋出房詣婦席前

北面立婦進東面拜受退復位內贊者西階上北面

拜送內贊者薦脯醢於席前婦升席坐左執觶右取  
脯濡於醢祭於籩豆之間以柶祭醴三始扱一祭又  
扱再祭加柶於觶面菜興降席西東面坐啐醴建柶  
興拜內贊者答拜婦進升席跪奠觶於豆東取脯降  
自西階以出授婦氏從入於寢門外

### 盥饋

舅姑入於室婦盥饋贊者布席於室之奧舅姑共席  
坐俱東面南上贊者設尊於室內北墉下饌於房內  
西墉下其饌如同牢

牲體皆節折左載之於婦入升  
舅俎右載之於姑俎也

自西階入房以醬進設於舅姑席前其他饌從者設

之皆加匕箸俱以兩為上俎入各設於豆東訖贊者  
各授箸舅姑各以韭菹擣於醬祭於籩豆之間又祭  
飯訖乃食三飯卒食婦入於房盥手洗爵入室酌酒  
醕舅進奠爵於舅席前少東西面再拜舅取爵祭酒  
飲之婦受爵出戶入房奠於篚又盥手洗爵酌酒醕  
姑如醕舅之禮設婦席於室內北墉下尊東南面婦  
徹饌設於席前如初西上婦親徹醬設之  
其他從者設之婦進西面  
再拜退升席南向坐將餽舅辭命易醬內贊者易之  
婦乃餽姑饌婦祭內贊者助之既祭乃食三飯卒食  
內贊者洗爵酌酒醕婦降席西面再拜受爵升席坐

祭酒飲訖執爵興降席東南面立內贊者受爵奠於

筐婦進西面再拜舅姑先降自西階婦降自阼階凡庶

子婦舅姑不降而婦降自西階以出

### 婚會

其日主人至於賓大門外之西東面立賓立於阼階下西面僮者進於賓之左北面受命出立於大門外之東西面曰敢請事主人曰某有嘉禮請某子有顧僮者入告遂引賓出大門外之東西面再拜主人答拜主人曰某有嘉禮請吾子有顧賓曰敢辭主人曰敢固請賓曰辭不得命敢不從主人拜賓答拜主人

還賓遂與諸親從之贊者預鋪賓席於堂上楹閒近北南面設賓之宗室席位於賓席西南賓之異姓席位於宗室之南又於西階下設異姓席位皆重行東向以北爲上設主人席位於阼階上西面設主人宗室席位於主人東北設異姓席位於宗室之北皆重行西向以南爲上又設主人異姓席位於東階下重行西向以北爲上賓至立於主人大門外之西東向賓之宗室立於賓西南異姓立於宗室之南俱重行東向以北爲上僮者引主人出立於大門外之東西向主人諸親立於大門內之東重行西向以南爲上



立定主人西面再拜賓東面答拜主人揖賓賓報揖  
僮者引主人又僮者引賓以入諸親以次從入至內  
門主人諸親以次從入如常至階主人揖賓賓報揖  
賓主及諸親以次升各立於席後其在庭者亦如之  
立定賓主及諸親俱坐執爵者酌酒升自東階酒升  
堂賓主及諸親皆起執爵者以酒授主人僮者引主  
人進詣賓席前西北面立賓自席西進東南向受爵  
僮者引主人退復位賓還席後立賓主及諸親俱坐  
執爵者又以酒授主人及賓主諸親賓主俱祭而飲  
諸親不祭而飲爵行一周食升堂賓主及諸親皆起

掌食者以醢醬豆授工人儻者引主人進設於賓席前賓曰請吾子無辱主人曰不敢忘禮儻者引主人復位執饌者以籩豆簋簠俎設於賓主席前又加以匕箸執饌者以次設食訖賓主皆祭而食諸親不祭而食於賓祭主人曰疏食不足祭賓食三飯而止主人曰請吾子食賓更飯食畢遂進庶羞觴行如常食畢賓主及諸親俱興儻者各引賓主以下降出賓主及賓之諸親皆復門外位主人諸親復門內位主人再拜送賓退儻者引主人入

婦人禮會

女賓乘車入至下車所內贊者引入主人迎送於閣內相稱之辭各準其夫餘如丈夫之禮

饗丈夫送者

其日掌事者鋪賓席於堂上楹閒近北南向又鋪主人席於阼階上西向又設眾賓之席於賓西南設從者席位於西階下重行北上賓立於主人門外之西俱重行東向以北爲上立定僮者引主人出立於門東西向主人揖賓賓報揖僮者各引賓主以下入至階主人揖賓賓報揖賓主以下俱升立於席後立定賓主以下俱坐遂進酒設食如婚會之儀會畢賓主

以下俱興賓者引賓立於西階上東面主人掌事者奉束帛之筐升以授主人主人執筐西面立賓西階上北面再拜主人進立於楹間南面賓進立於主人之西俱南面主人以筐幣授賓賓受退立於西階上東面主人還東階上北面再拜送賓者引賓以下降自西階從者訝受幣在庭者以次出復門外位僎者引主人降自東階出門東西面拜送賓退主人入

饗婦人送者

內僎者引賓升主人迎送於閣內相稱之辭各準其夫酬以束帛如丈夫之禮

天... 卷一百二十三

禮

四品五品

納采

四名

納徵

四名

見與地

四名

納人

四名

納采

納徵

四名

大... 禮... 卷一百二十三

大唐開元禮卷第一百二十三

大唐開元禮卷第一百二十四

嘉禮

四品五品婚

納采

問名

納吉

納徵

請期

親迎

見舅姑

盥饋

婚會

婦人禮會

饗丈夫送者

饗婦人送者

納采

婚禮先使媒氏通書女氏許之乃致納采之禮 前

一日主人設賓次於大門外道右南向以後納吉納

徵請期親迎設次皆如之 其日大昕使者至女氏

大門外掌次者延入次主人公服受其禮於廟無廟者於

正寢掌事者布神席於室戶外之西右几使者公服出

次立於大門外之西東向主人立於東階下西面儼

者立於主人之左北面受命出立於門東西面曰敢

請事賓曰吾子有命貺室某也吾子女父某壻名某有先人

之禮使某也請納采上某壻父名下某使者稱儼者入告主人曰

某之子蠢愚又弗教吾子命之某不敢辭儼者出告

掌畜者以鴈授賓退立於後賓左手執之主人迎於

大門外之東西面再拜賓不答拜主人揖賓以入賓



從入主人入門而右賓入門而左至於次門主人又揖入至內雷將曲揖當階揖至階主人曰請吾子升賓曰某敢辭主人曰固請吾子升賓曰某敢固辭主人曰終請吾子升賓曰某敢終辭主人升東階當阿也阿棟西面賓升西階當阿東面賓曰敢納采主人阼階上北面再拜進立於楹閒南面賓進立於主人之西俱南面賓授鴈降自西階以出

### 問名

納采禮畢賓既降立於內門外之西東向初賓降主人還阼階東左右受鴈於序端主人降立於阼階下

西面僮者進受命中 訶事賓曰某既受命將加諸卜  
敢請女為誰氏僮者入告主人曰吾子有命且以備  
數而擇之某不敢辭僮者出告掌畜者以鴈授賓退  
立於後主人迎於內門外之東西面揖賓以入主人  
入門而右賓入門而左二揖至階三讓如初主人升  
阼階當阿西面賓升西階當阿東面曰敢問名主人  
於阼階上北面再拜進立於楹間南面賓進立於主  
人之西俱南面賓授鴈還立西階上東面主人還阼  
階上西面曰某第某女某氏出賓出立於內門外之  
西東面主人退立於阼階東左右受鴈於序端主人

降立於阼階下西面僮者進受命出請事賓曰禮畢  
僮者入告主人曰吾子爲事故至於某之室某有先  
人之禮請禮從者僮者出告賓曰某旣得將事敢辭  
僮者入告主人曰先人之禮敢固以請僮者出告賓  
曰某辭不得命敢不從僮者入告主人升立於序端  
掌事者徹几改筵東上

蒲筵緇布純加萑席玄帛純  
漆几主人設神席亦準此

設甒醴於東房內西墉下加勺冪篚在尊北實觶一  
角柶一加冪籩豆在篚北實脯醢設洗於東房近北  
罍水在洗西篚在洗東北肆設訖主人降迎賓於內  
門外之東西面主人揖賓賓報揖主人入賓從入二

揖至階三讓如初升主人於阼階上北面再拜賓於西階上北面答拜主人受几於序端掌事者內拂几三奉兩端西北向以進主人東南向外拂几三振袂內執之進西北向使者迎受於筵前東南向以俟主人還阼階上北面拜送賓以几避北面坐設於座右興退於西階上北面答拜立於西階東面贊者盥手洗觶酌醴加枳於觶覆之面菜出房南面立主人受醴面枋進筵前北面立賓於西階上北面一拜進筵前東南面受醴復西階上位主人還阼階上北面一拜送贊者薦脯醢於筵前賓進升筵坐左執觶右取

脯孺於醢祭於籩豆之間以杞祭醴三始扱一祭又扱再祭興以杞兼諸觶上擗降筵於西階上北面坐啐醴建杞奠觶遂拜執觶興主人答拜賓進升筵坐奠觶於籩豆之東賓退立於西階上東面掌事者奉篚幣升自東階主人受於序端進西面立賓西階上北面再拜主人進楹閒南面立賓進立於主人之西俱南面主人以幣篚授賓賓受退立於西階上東面主人還東階上北面拜送賓降自西階從者訝受幣賓出大門外之西東面立主人降出門東西面拜送賓退主人入立於東階下西面僨者告於主人曰賓

不顧矣主人乃還於版於使者歸主人壻之父公服立

於阼階下西面使者入告立於主人之左北面曰某

既得將事敢告主人曰聞命使者退主人入以下復命準此

納吉

其日大昕使者至女氏大門外掌次者延入次掌事

者設几筵如初使者出次立於主人大門外之西東

向主人立於阼階下西面僮者進受命出請事賓曰

吾子有貺命某加諸卜占曰吉使某也敢告某壻父名使某

使者名僮者入告主人曰某之子弗教惟恐弗堪吾子

有吉某預在焉某不敢辭僮者出告掌畜者以鴈授

使者退立於後主人迎拜如常主人揖賓以入賓從入主人入門而右賓入門而左至於次門主人揖入二揖至階三讓如初主人升阼階上西面賓升西階上東面曰敢納吉主人北面再拜進立於楹閒南面賓進立於主人之西俱南面賓授鴈降自西階出立於次門外之西東向初使者降主人還阼階東左右受鴈於序端主人降立於阼階下西面賓者進受命出請事使者曰禮畢其禮賓如問名之儀

### 納徵

其日大昕賓至女氏大門外掌事者延就次賓之掌

事者入布幕於主人大門之外玄纁東陳於幕上兩

馬陳於幕南北首西上主人掌事者設几筵如初其

纁東玄三匹纁二匹合束之

陳設訖使者出次立於主人大門外

之西東向主人立於阼階下西面僮者進受命出請

事賓曰吾子有嘉命貺室某也某有先人之禮束帛

乘馬使某也請納徵僮者入告主人曰吾子順先典

貺某以重禮某敢不承命僮者出告主人迎拜如常

主人揖賓以入賓從入主人入門而右賓入門而左

至次門主人立於門東西面賓立於西塾東面掌事

者坐取玄纁與以授賓賓執主人揖賓以入執馬者



從入陳於庭三分庭一在南北首西上主人二揖至階三讓如初主人升阼階當阿西面賓升西階當阿東面曰敢納徵主人於阼階上北面再拜進立於楹閒南面賓進立於主人之西俱南面授束帛受馬者自右受之以東賓之執馬者自前西面出賓初授束帛降出次門外之西東面主人還阼階東左右受束帛於序端主人降立於阼階下西面僮者進受命出請事賓曰禮畢其禮賓如問名之儀

請期

其日大昕使者至於女氏大門外掌事者延入次又

掌事者設几筵如初使者出次立於主人大門外之西東向主人立於阼階下西面僮者進受命出請事賓曰吾子有賜某既申受命惟是三族之不虞使某也請吉日僮者入告主人曰既前受命矣惟命是聽僮者出告賓曰某聽命於吾子

某婿父名

僮者入告主人

曰某固惟命是聽僮者出告賓曰某使某受命於吾

子吾子不許某敢不告期日曰某

某吉日之甲乙

僮者入告

主人曰某敢不敬須僮者出告掌畜者以鴈授使者

退立於後主人迎拜如常主人揖賓以入賓從入主

人入門而右賓入門而左二揖至階三讓而升主人

升阼階當阿西面賓升西階當阿東面曰敢告期主人阼階上北面再拜進立於楹閒南面賓進立於主人之西俱南面賓授鴈降出立於次門外之西東面主人還阼階東左右受鴈於序端主人立於阼階下西面僮者進受命出請事賓曰禮畢其禮賓如納徵之儀

### 親迎

其日大昕婿之父女之父各服其服告於禰廟

以酒脯告

之一獻無廟者告於正寢

將行父醮子於正寢贊者布席於東序

西向又設席於戶牖之間南向父公服坐於東序西

向子服其上服四品之稀冕升自西階進立於席西南

向贊者酌酒進北面以授子子再拜受爵贊者薦脯

醢於席前脯醢出自房子升席跪左執爵右取脯擣於醢

祭於籩豆之間右祭酒執爵與降席西南面跪卒爵

奠爵再拜執爵與贊者受虛爵還尊所子進立於父

席前東面父命之曰往迎爾相承我宗事勛率以敬

先妣之嗣若則有常庶子但云往迎爾相勛率以敬子再拜曰不敢

忘命又再拜降出初昏設洗於阼階東南東西當東

雷南北以堂深壘水在洗東加勺冪筐在洗西南肆

實爵二巾一加冪設婦洗於東房近北壘水在洗西

加勺冪筐在洗東北肆實以巾加冪陳饌於東房內

西墉下

牲用少牢及腊三俎二簋二簋二登其豆數四品十五品八也

壻及婦共牢

婦之簋簠豆登之數各視其夫

牲體皆節折簋實稷黍簠實稻梁登實以

羹豆實醢醬藿菹之類也

簋簠豆登加蓋俎加冪尊於室中北墉

下玄酒在西加勺冪南枋又設尊於房外之東加勺

冪無玄酒筐在南實四爵合盞加冪

夫婦酌於內尊四爵兩盞凡六

夫婦各三酌

主人乘木輅備儀仗

主人謂壻五品非京官職事者乘青通轆犢車

也從者公服乘車以從婦車及從車各準其夫至於

婦氏大門外掌次者延入次贊者布席於室戶外之

西西上右几又布席於房戶內南向設醴尊於房內

東壁下加勺冪篚左北實觶一角枳一於篚加冪籩

一豆一又在篚北女各準其夫服花釵翟衣四品花釵六樹

翟六等五品花釵五樹翟五等入於房即席南向立姆服禮衣在其

右女從者在其後父公服升自東階立於房戶外之

東西面內贊者以觶酌醴加枳覆之面枋進女席前

北面女降席西南面再拜受觶內贊者薦脯醢於席

前女升席跪左執觶右取脯搗於醢祭於籩豆之間

遂以枳祭醴三始扱一祭又扱再祭興筵末跪啐醴

建枳奠觶於豆東降席西再拜訖升席南面立內贊

者徹薦觶主人降立於東階南面賓出次立於門西

東面賓賓者進受命出立於門東西面曰敢請事賓

曰吾子有命以茲初昏某父使某將請承命賓者入

告主人曰某固敬具以須主人迎賓於大門外之東

西面再拜賓答拜主人揖賓賓報揖主人入賓執鴈

從入至於寢門主人又揖入至內雷將曲揖當階揖

至階主人曰請吾子升賓曰某敢辭主人曰固請吾

子升賓曰某敢固辭主人曰終請吾子升賓曰某敢

終辭主人升自阼階西面立賓升自西階進當房戶

北面跪奠鴈興再拜降出主人不降送於賓入門母

出立於房戶外之西南面於賓拜訖姆導女出於母

左父少進西面戒之必有正焉若衣若花命之曰戒

之敬之夙夜無違命母戒於西階上施衿結帨戒之

曰勉之敬之夙夜無違帨佩庶母及門內施鞶申之

以父母之命命之曰敬恭聽宗爾父母之言夙夜無

愆視諸鞶鞶鞶囊也婦人鞶絲所以盛帨巾之屬女出至車壻授綏姆

辭曰未教不足與為禮婦乘以几加幪壻馭輪三周

馭者代之主人使其屬送之壻出乘車先婦車從而

行至於門外下車以俟婦至降車北面立壻南面揖

婦以入及寢門又揖以入贊者徹尊冪酌玄酒三注

於尊女從者布席於奧東向西南隅謂之奧若室內窄則席於堂上楹間東



向設尊於室戶東主人導婦升自西階入室即席東面立婦

入立於尊西南面壻盥於南洗女從者沃之婦盥於

北洗壻從者沃之贊者以饌入設醬於席前菹醢在

其北俎三入設於豆東腊特於俎北贊者設黍於醬

東稷稻粱在東設滫於醬南設對醬於東對醬婦醬也設之當

特菹醢在其南北上設黍於腊北其西稷稻粱設滫

於醬北贊啟會卻於簋簠南對簋簠於北啟發皆加匕

箸壻從者布對席於饌東贊者西面告饌具主人揖婦

婦即對席西面皆坐贊者授匕箸各以菹孺於醢皆

祭於豆閒又皆祭黍贊者各取肺絕末以授皆祭贊

者以肺加於俎凡祭與食皆贊者皆移黍置於席上

授肺脊食以涪醬三飯卒食贊者二人俱洗爵於房

酌於室內之尊詣戶西北面以醕主人主人及婦皆

興再拜受爵贊者北面答拜主人及婦皆坐祭酒贊

者以肝從皆奠爵取肝振祭臍之贊者皆受實於俎

豆各取爵飲訖執爵興贊者受爵主人及婦皆再拜

贊者以爵復於篚又以爵酌酒再醕主人及婦仍立

受爵坐飲卒爵皆興贊者受爵復於篚三醕用盞如

再醕主人及婦立於席後贊者皆降東階洗爵升酌

於戶外尊入戶西北面俱奠爵興再拜皆坐取爵遂

飲卒爵遂拜執爵興夫婦答拜降奠爵於篚主人出  
脫服於房婦退立尊西南面位贊者徹饌設於東房  
如初婦脫服於室衽於奧北趾衽臥席主人入燭出婦  
從者餽夫之餘夫從者餽婦之餘贊者酌戶外尊酌  
之女從者待於戶外呼則聞

見舅姑

質明贊者見婦於舅姑立於寢門外贊者布舅席於  
東序西向布姑席於房戶外之西南向舅姑俱卽席  
坐婦執筭棗栗筭竹器立表纁裏自門外入升自西階東面  
再拜進跪奠於舅席前舅撫之贊者進徹以東婦退

復東面位又再拜自西階受筭殿脩 殿脩婦從者執俟於階下

升進北面再拜進跪奠於姑席前姑舉之內贊者受

以東婦退復北面位又再拜贊禮布婦席於室戶西

南面在姑席之西少北側尊甒醴於戶內東壁下加勺冪邊

豆各一實以脯醢在尊北設洗於東房近北壘水在

洗西篚在洗東北肆篚實以巾解角 婦立於席西南

面內贊者盥手洗解酌醴加枳面枋出房詣婦席前

北面立婦進東面拜受退復位內贊者西階上北面

拜送內贊者薦脯醢於席前婦升席坐左執解右取

脯擣於醢祭於邊豆之間以枳祭醴三始扱一祭又

扱再祭加柶於觶面菜與降席西東面坐啐醴建柶  
興拜內贊者答拜婦進升席跪奠觶於豆東取脯降  
自西階以出授婦氏從入於寢門外

### 盥饋

舅姑入於室婦盥饋贊者布席於室之奧舅姑共席  
坐俱東面南上贊者設尊於室內北墉下饌於房內  
西墉下其饌如同牢

牲體皆節折左載之於  
舅俎右載之於姑俎也婦入升

自西階入房以醬進設於舅姑席前其他饌從者設  
之皆加匕箸俱以南爲上俎入各設於豆東訖贊者  
各授箸舅姑各以韭菹擣於醬祭於籩豆之間又祭

飯訖乃食三飯卒今婦入於房盥手洗爵入室酌酒  
酌舅進奠爵於舅席前少東西面再拜舅取爵祭酒  
飲之婦受爵出戶入房奠於篚又盥手洗爵酌酒酌

姑如酌舅之禮設婦席於室內北墉下尊東南面婦

徹饌設於席前如初西上婦親徹醬設之婦進西面

再拜退升席南向坐將餽舅辭命易醬內贊者易之

婦乃餽姑饌婦祭內贊者助之既祭乃食三飯卒食

內贊者洗爵酌酒酌婦降席西面再拜受爵升席坐

祭酒飲訖執爵興降席東南面立內贊者受爵奠於

篚婦進西面再拜舅姑先降自西階婦降自阼階凡庶

子婦舅姑不降而  
婦降自西階以出

### 婚會

其日主人至於賓大門外之西東面立賓立於阼階  
下西面僮者進於賓之左北面受命出立於大門外  
之東西面曰敢請事主人曰某有嘉禮請某子有顧  
僮者入告遂引賓出大門外之東西面再拜主人答  
拜主人曰某有嘉禮請吾子有顧賓曰敢辭主人曰  
敢固請賓曰辭不得命敢不從主人拜賓答拜主人  
還賓遂與諸親從之贊者預鋪賓席於堂上楹間近  
北南面設賓之宗室席位於賓席西南賓之異姓席

位於宗室之南又於西階下設異姓席位皆重行東向以北爲上設主人席位於阼階上西面設主人宗室席位於主人東北設異姓席位於宗室之北皆重行西向以南爲上又設主人異姓席位於東階下重行西向以北爲上賓至立於主人大門外之西東向賓之宗室立於賓西南異姓立於宗室之南俱重行東向以北爲上僮者引主人出立於大門外之東西向主人諸親立於大門內之東重行西向以南爲上立定主人西面再拜賓東面答拜主人揖賓賓報揖僮者引主人又僮者引賓以入諸親以次從入至內



門主人諸親以次從入如常至階主人揖賓賓報揖  
賓主及諸親以次升各立於席後其在庭者亦如之  
立定賓主及諸親俱坐執爵者酌酒升自東階酒升  
堂賓主及諸親皆起執爵者以酒授主人僮者引主  
人進詣賓席前北面立賓自席西進東南向受爵僮  
者引主人退復位賓還席後立賓主及諸親俱坐執  
爵者又以酒授主人及賓主諸親賓主俱祭而飲諸  
親不祭而飲爵行一周食升堂賓主及諸親皆起掌  
食者以醢醬豆授主人僮者引主人進設於賓席前  
賓曰請吾子無辱主人曰不敢忘禮僮者引主人復

位執饌者以籩豆簠簋盂俎鉶設於賓主席前又加以  
匕箸執饌者以次設食訖賓主皆祭而食諸親不祭  
而食於賓祭主人辭曰疏食不足祭賓食三飯而止  
主人曰請吾子食賓更飯食畢遂進庶羞觴行如常  
食畢賓主及諸親俱興僎者各引賓主以下降出賓  
主及賓之諸親皆復門外位主人諸親復門內位主  
人再拜送賓退僎者引主人入

婦人禮會

女賓乘車入至下車所內贊者引入主人迎送於閤  
內相稱之辭各準其夫餘如丈夫之禮

饗丈夫送者

其日掌事者鋪賓席於堂上楹閒近北南向又鋪主人席於阼階上西面又設眾賓之席於賓西南設從者席位於西階下重行北上賓立於主人門外之西俱重行東向以北爲上立定僮者引主人出立於門東西向主人揖賓賓報揖僮者各引賓主以下入至階主人揖賓賓報揖賓主以下俱升立於席後立定賓主以下俱坐遂進酒設食如婚會之儀會畢賓主以下俱興僮者引賓立於西階上東面主人掌事者奉束帛之篚升以授主人主人執篚西面立賓西階

上北面再拜主人進立於楹閒南面賓進立於主人之西俱南面主人以篚幣授賓賓受退立於西階上東面主人還東階上北面再拜送僮者引賓以下降自西階從者訝受幣在庭者以次出復門外位僮者引主人降自東階出門東西面拜送賓退主人入

饗婦人送者

內賓者引賓升主人迎送於閣內相稱之辭各準其夫酬以束帛如丈夫之禮

大唐開元禮卷第一百二十四